



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Caput XII. De Officio parvo Beatae Virginis.

urn:nbn:de:hbz:466:1-10805

ad gratiarum incrementa. Per noctem finis ex-
primunt occupationum, perturbationum fuga,
omnium laborum oblivio: *Exibit homo ad opus
suum, & ad operationem suam usque ad vesperam o,*
& non ultra. Nocte enim ingruente tempus ta-
cendi est, tempus vacandi, & videndi quam dul-
cis est Dominus. Deinde hac hora præparandus
est locus, in quo animus cum Deo quiescat san-
cti Regis exemplum imitando, qui per diem assi-
dius regni curis distractus die peracto quasi quad-
dam Completorii rudimentum describens di-
xit p: *Si ascendero in lectum strati mei, si dedero
sonnum oculis meis, & palpebris meis dormitatio-
nem, donec inveniam locum Domino, tabernaculum
Deo Jacob.* Sed ubi inquires locum Domino præ-
parabo? Quæris ubi? In teipso: *Delitiæ meæ,*
dicit Dominus q, *esse cum filiis hominum.* Audi
autem ipsum designantem sibi locum. Quis est
iste locus quietis meæ? *Ad quem autem respiciam,
nisi ad pauperculum, & contritum spiritu, & tre-
mentem sermones meos r.* Si tale fuerit cor tuum,
locus gratissimus Domino factum est. Denique
quis non studeat adversus potestates tenebratum,
hac hora potentius armari, quarum noctu major
est vis? Sunt vero hæc arma specialis ad id ora-
tio, aquæ lustralis aspergo, Praelati benedictio,
& solemnis B. Mariae invocatio.

2. Unum addiderim, turpe admodum esse
inutiliter hoc tempus transfigere, quo totius diei
acta ad censuram revocare debemus, finemque
nostrum Domino cum lacrymis commendare.
Morti enim initianus cum dormire incipiimus,
ait Plutarchus: *pallimque Auctores prima no-
te & somnum vocant mortis fratrem.* Quia vi-
delicet, ut in libro de resurrectione scribit Athenagoras,
familia accidenti sopitis, & defunctis. A-
pud Pausaniam in Eliacis in Cypseli Tyranni mo-
numento efformatum legimus simulachrum no-
tis cum duobus infantibus, nigro uno, candido
altero cum mortis, ac somni epigraphe. Dor-
miunt mortui Deo, sicut dormientes velut mor-
tui sunt nobis. Locus sacer, in quo ossa mortuo-
rum requiescent Græco vocabulo cœmeterium,
hoc est dormitorium dicitur à οὐνάω, quod est
dormio, & communiter in sacris literis dormire
dicuntur, qui felici securitate in Domino mor-
tui sunt. Hinc teste Amalario, aptatur quodam-
modo officium Completorii commendationi,

○ Psalm. 103. p Psalm. 131. q Prov. 8:31. r Isai.
66:2. f Plutar. de consol. ad Apoll. t Homer. Il.
14. n. 231. Moschus, & Theocr. Idyl. 3. Virg. 6.
Æn. Sen. Herc. jnr. act. 4. & alii. u Amalar. l. 4.
cap. 8.

quâ se homo commendat Deo, quando transit de
sæculo: petimus enim dimitti in pace, & spiritum
nostrum in manus Domini commendamus. Sic
optimo fine claudimus diem, si nostri quoque
finis recordamur. Hac autem recordatione nil
efficacius ad traducendas hominum mentes à sce-
lere ad virtutem, ut si benè animo concipiatur,
omnem hominem quantumvis barbarum horrore
percellere, & ad meliorem frugem convertere
possit. Statutum est omnibus hominibus semel mori:
& in quocumque loco ceciderit lignum, fixe ad
Aquilonem, ibi erit x. Quis vero hæc audiens,
& credens non perhorrescat! Momento vivi-
mus, momento rapimur, & quidem momento
inevitabili, unde pendet æternitas. Rectè priscus
Satyricus y:

Heu, heu nos miseros quam totus homuncio nil est!
Ergo dum licet benè vivere studeamus. Sat di-
ctum de Completorio. Jam tacendum, & quietum
scendum est. Hoc est autem summè, & perfectè
quiescere, ait Richardus Victorinus z, à Crea-
toris pia laude nunquam cessare.

x Ad Hebr. 9: 27. Eccles. 11: 3. y Petr. Arbiter.
z Richar. lib. 2. in Apoc. c. 2.

CAPUT XII.

De Officio Parvo B. Virginis.

§. I.

*Quam difficile sit de Maria laudibus scribere.
Cur negotium omnium seculorum dicatur
esse. Ejus cultum semper viguisse. Ad
ipsam Beatam Virginem deprecatione.*

I N celebrandis Beatissimæ Virginis MARIAE
præconiis tot jam sudarunt ingenia, tot sunt
attriti calamis, tot manus & mentes occupatae,
ut, si ejus honori conscripta volumina in unum
congregarentur, insignem se solis constituerent
Bibliothecam. Pia quadam æmulatione omnis
ratio, qua sub celo est, juvenes, & virgines,
senes cum junioribus in recensendis Maris
laudibus qua ligata, qua soluta oratione de-
certasse videntur. Sed ut devotus fuerit, gratis
que Deo generosus eorum conatus, quicquid
tamen de ineffibili meritorum ejus prærogativa
manu scriperint, ore protulerint, mente con-
ceperint, stilla stilula est, momentum flateret,
gutta roris antelucani; ut non minus de illa,
E e e e e quam

quam de Filio ipsius Domino nostro illud pleno ore decantare possumus, *Tibi silentium laus*^a: postisque facilis immensum pelagus exigua scrobe concludi, quām omnium hominum, & Angelorum vocibus Mariae laudes exauriri. Quis Reginæ celorum potentias loquetur, auditæ faciet omnes laudes ejus? Major est enim omni laude, omnemque exuperat modum, quæ omnium decus creaturarum excellētissimā dignitate transcendit. S. Germanus Patriarcha Constantinopolitanus sermonem de hac Virgine habiturus sic exorditur: Si palmo metiri terram possumus, ac funiculo mare circumscribere: si cubitis cœlum continetur, & stellarum numerari copia potest: si guttae pluviae, tellurisque glabelæ, ventorumque impetus, atque arenæ comprehenduntur, certè poterit quod in manibus est argumentum comprehendendi. Arnoldus Abbas Bonavallensis initio Tractatus de laudibus Deiparæ hæc habet: Si linguis hominum loquar, & Angelorum, nihil dignæ, nihil propriæ de sanctæ, ac perpetuæ Virginis Matris Christi Mariae gloria eloqui potero, quia verè in laudibus ejus modulandis non invenies organum, & hebes est cuiuscumque subtilitatis ingenium. Res mira, & inaudita, Mater Virgo, Verbum caro, Deus homo! Quis in tam celebri miraculo sileat! Item quis hæc prædicare sufficiat? Scimus quidem supra nos esse hoc aggredi; sed illa in cuius sacrato utero Verbum caro factum est, locuturis de Verbo conciliat verbum: nec fas est muta esse gaudia Ecclesiæ, ubi implente nos Verbo hoc habemus in mente, quod mater in utero. S. Amedeus^b ex Abate Altæcumba Episcopus Lausenensis magis Virginis Encomiastes, Omnis sancta, inquit, & rationabilis anima investigans cœli secreta mysteria, & distinguens ordines supernorum spirituum invenit primam post Redemptorem illam in mulieribus benedictam, illam plenam gratia, quæ Deum genuit, & virginitatis gloriam non amisit. Hæc Virgo beata omni luce clarior, omni suavitate gravior, omnique potentati sublimior totum mundum illuminat, & unguenti optimi perfusione innovans omnia Cherubim, & Seraphim agmina potestate transcendit, & majestate. Solus igitur Deus, cui soli secunda est, eam dignis poterit encomiis honorare, qui ad tantam dignitatem humilem, & parvulam sublimavit, qua majorem ipsa Dei omnipotentia creare non potest. Hoc unum est, in quo nec primam similem visa est, nec habere

^a Psal. 64, ex versi. Hebrei. ^b Amed. hom. 1.

sequentem, ut unum eundemque Filium cum Deo Patre meruerit habere communem. Hæc illa mulier est olim in Paradiso promissa, quæ caput serpentis antiqui Dei virtute calcavit. Hæc illustris illa mulier præ cunctis mulieribus benedicta in igne, & rubo; in virga, & flore; in rore, & veillere antiquis Patribus præmonstrata. Hæc arca mystica testamenti, aureum propitiatorum, scala Jacob, virga Jesse, thronus Salomonis, arcus seederis, janua Paradisi. Hæc fons irrigans universam terram, hæc aurora veri Solis prænuntia. Hæc salus universorum, totius mundi conciliatrix, inventrix gratiæ, genitrix vitæ, mater salutis. Hæc reparatrix protoparentum, posterorum vivificatrix, vera mater salutis, vera mater viventium, desperantium salus, miserorum solatium, afflictorum refugium, spes unica peccatorum. In ipsa omnis gratia vitæ, & veritatis: in ipsa omnis spes vitæ, & virtutis:

Sola fuit mulier, patuit qua janua letho,

Et qua vita redit, sola fuit mulier c.

Sub ejus umbra qui pausaverit in æstu vitiorum refrigerium inveniet, in pressuris saeculi umbraculum, in laboribus quietem.

2. S. Bernardus^d in Mariae laudes semper effusus eam Negotium omnium saeculorum apertissimo prorsus, ac singulari titulo nuncupavit. Ipsa enim tanquam mediatrix fidelissima omnium negotia in coelesti curia procurat. Ipsa una omnium negotium est, quæ sola potuit omnia saecula occupare, quæ magnum negotium saeculorum omnium ingenii faciliavit. Sed consultius est dulcissimi Doctoris lacteam orationem audire: lac merum loquitur, quod ab uberibus Virginis insigni privilegio suxit. Ad Mariam sicut ad medium, sicut ad arcam Dei, sicut ad rerum causam, sicut ad negotium saeculorum respiciunt, & qui in cœlo habitant, & qui in inferno, & qui nos præcesserunt, & nos qui sumus, & qui sequuntur, & natatorum, & qui nascentur ab illic. Illi qui sunt in cœlo, ut resarciantur; & qui in inferno, ut eripiuntur; qui præcesserunt ut Prophetæ fideles inveniantur; qui sequuntur, ut glorificantur. Ed beatam te dicunt omnes generationes Genitrix vitæ, Domina mundi, Regina Cœli. Omnes inquam generationes, quæ omnibus generationibus vitam, & gloriam genuisti. In te enim Angeli lætitiam, iusti gratiam, pecca-

^c Tercius Rufus in collat. vet. Et novi Testam. ^d Bernat. serm. 2. de Pentecost.

pœcatotis veniam invenerunt in æternum. Merito in te respiciunt oculi totius creaturæ, quia in te, & per te, & de te benigna manus Omnipotens quicquid creaverat recreavit. A pud Græcos omnibus sacris Hymnis, de quounque argumento sint, Therocion, in laudem Deiparæ adjungi solet, ac si minimè congruum esset ex aliis capitibus Deum laudare hoc prætermisso. Jodocus Coccius omnium sanctorum Patrum diligentissimus excerptor toto libro tertio tomî primi sui Thesauri Theologici quicquid à Græcis, & Latinis Patribus de beata Virginie præclarè dictum, & excogitatum fuit in unum collegit. Theophilus item Raynaldus vir infinitæ lectionis omnes titulos B. Virginis ex sanctis Patribus excerptis, & ex iis librum confecit, quem inscripsit Nomenclatorem Marianum. Possunt autem iidem tituli valde locupletari ex Menæis aliisque libris Ecclesiasticis Græcorum, quod egregie præstítit vir eruditus Simon Wangnereckius in sua Pierate Mariana Græcorum edita Monachii. Multa quoque collegerunt ad B. Virginis laudem pertinientia præclarari & noti Scriptores Petrus Antonius Spinellus in libro quem inscripsit Maria Deipara thronus Dei; Aloysius Novarinus in Umbra Virginea, & Joannes Baptista Novatus in opere de Eminentia Deiparæ e. Demum in colenda Virginie nemini cedit hoc sæculo vir religiosissimus Hypolitus Maracci Lucensis; nam præter varia Latinorum, Græcorumque opuscula de ipsa Dei Genitrice quæ in lucem emisit, & notis illustravit: præter Bibliothecam Marianam in qua recenset summa diligentia omnes qui de beata Virginie aliquid scriplerunt: Edidit etiam Prophetas Marianos, seu de Prophetis Mariæ Præculturibus: Apostolos item, & Pontifices Maximos Marianos, Purpuram Marianam, Antistites, Fundatores, & Religiosos Marianos, Palmam Marianam, Lilia Marianæ, Heroides Marianas, Cæsares, Reges, & Principes Marianos: habetque prælo paratam Polyantheam Marianam, & alia multa, quibus benè mereri, de cultoribus Virginis non cessat. Ilos consulat Lector, qui eximias Mariæ laudes noscere cupit, non eum pigebit legisse.

e Videnti etiam Joan. Bonifac. in historia Virginis. Petrus Canisius lib. quinque de Deipara & aliis immarabiles.

METRUM XXV.

Virgo Regina polorum,
Summo que proxima Regi

Mundi moderaris habenas,
Huc è celsa ætheris aula
Descende, & disce mentis
Rutilo splendore tenebras
Meritas tibi promere laudes
Amor est, cupioque per omnes
Te dignos currere honores.
Aptis, ut studiosa, per arva
Quæ circum ludit Hymeti,
Non uno è cespite florum
Carpit fragrantia mella:
Sed lati plurima veris
Prægustans munera, vorom
Depascitur avia cœli.
Laudes sic ipse, tuisque
Celebrabo carmine doles,
Si tu, dulcissima Virgo,
Lucem digneris, & æstum
Tuisbrofo infundere cordi.
Tu nostræ es gloria stirpis
Tu lux, tu vita, decusque,
Hominum spes certa, tuumque
Observant omnia nutum.
Placido me respice vultu.
Inopem, incertumque salutis.
Da veri cernere sedem
Caecæ caligine pulsâ.
Duce te mihi gratia semper
Divina aspiret, ut omni
Detersa æruginæ culpe
Paro tibi pectore possim
Canere hymnos, pangere versus.

3. Semper Deiparæ cultum in Ecclesia viguisse, ut cætera desint argumenta, ex hoc potissimum conjicere licet, quod nullum ejus principium ostendi potest. Nam nec Pontificis aliquius decreto, aut Concilii sanctione, nec consuetudine aliqua, cuius sciatur origo, introductus fuit, sed omni ætate, omni tempore semper fideles cœli Reginam summo honore prosequi, & venerari consueverunt. Hæc enim ab æterno prædestinata, & prælecta à Deo fuit, ut arcum Incarnationis mysterium in ea perficeretur. Hanc nascituram promisit Deus statim post lapsum primi parentis, cum serpentis malignitatì iratus dixit, *Ipsa conteret caput tuum.* Hanc venerabiles Patriarchæ & sanctæ mulieres veteris testamenti ante & post diluvium multiplici allegoria præfigurarunt. Hanc Prophetæ futorum præscii vaticinante præconio prædixerunt: inter quos Hieremias, cum in Ægypto exularet, ejus immaculatum puerperium sacerdotibus

Ecccc 2 dotibus

dotibus idolorum indicasse dicitur, ut Auctor synopsis de vita, & morte Prophetarum, sive fuerit Dorotheus Martyr, sive alius recentior, qui fuit Romæ Abbas, & Epiphanius ^f Episcopus asseverant. Etiam ab Euthnicis, & Turcis eam coli, & celebrari docer Joannes Bonifacius ^g in historia Virginali. A fidelibus autem Catholicæ, & orthodoxæ Ecclesiæ speciali cultu hyperdulia adoratam fuisse ab ipso Ecclesiæ ortu usque ad haec tempora innumeris Scriptores testantur, quorum testimonia, & auctoritates si ex scriptis ipsorum excerpere, & hic inserere vellem, rem ineptissimam facerem, nam & immensi id operis foret; & materiam ab aliis dum præoccuparam attingerem, quorum diligentia, & eruditioni quidpiam adjicere non præsumo. Optimos quoque profert Canisius ^h singulorum dicta perpendens, & ex his sectarios convincens. Incipit autem à D. Laurentio Justiniano, tum servata temporum serie ad anteriora secula ascendens fide dignissimis auctoritatibus evincit, in religiosa Matris Dei veneratione retinenda, & promovenda magnum semper fuisse totius Ecclesiæ consensum in omni natione quæ sub celo est. Frustra convellere hunc cultum oblatrantes Hagiomachi, & Iconoclastæ conati sunt. Viguit, semperque vigebit in æternum & ultra B. Virginis veneratio, & portæ inferi non prævalebunt adversus eam. Quis enim post Deum ita generis humani curam gerit? quis nos ita tuerit in afflictionibus, liberat à periculis, præservat à malis?

4. Ideo ad te, gloriissima Virgo, omnium fidelium corda suspirant, omnium oculi respiciunt, omnium vota confugiunt. Te celebrant omnes linguae, te laudent omnes populi, & beatam te dicunt omnes generationes. ⁱ Gloriofa dicta sunt de te, sed adhuc locus est tua laudationi, adhuc in tuis laudibus balbutit omnis lingua. Non enim sunt loquela neque sermones, quibus amplitudo gloriae tuæ ad plenum valeat explicari. O magna, ô pia, ô multum amabilis Maria, tu nec nominari quidem potes, quin accendas: nec cogitari quin recrees affectus diligentium te. Tu nunquam sine dulcedine divinitus tibi insita pia memorie portas ingredieris. Et nunc sequimur te, ô Domina, ex totis præcordiis vociferantes ad te, adjuva im-

^f Epiph. in vita Hieremia. ^g Bonifac. lib. 2. cap. 16. ^h Canisius lib. 5. de Deip. cap. 27. [&] seq. ⁱ Eberetus in laud. de B. V. inter opera D. Bernwardi & Cyril. Alex. hom. adu. Nestorium.

becillitatem nostram, aufer opprobrium nostrum. Tibi revelanus cum fiducia causam nostram, quia cœli & terræ mediatrix es, peccatorum refugium, salus pereuntium. Per te sancta Trinitas in universo orbe glorificatur; per te cœlum exultat, lætantur Angeli, fugantur dæmones: per te prolapsum plasma rurlum in cœlum subvehitur: per te gentes adducuntur ad penitentiam: per te fundate sunt Ecclesiæ, destruta infidelitas: per te clausa sunt tartara, aperiae sunt fores Paradisi:

Salve sancta parens, enixa puerpera Regem,
Qui cœlum terramque tenet per secula, cuius
Imperium sine fine manet, quæ venire beato
Gaudia matris habens cum virginitatis honore.
Nec primam similem visa es, nec habere sequentem.
Sola sine exemplo placuisse fæmina Christo. ^k

Tuo interventu, benignissima Mater, & nos Christo placeamus, ut te perducente post hujus mortalitatis cursum ad eum perveniamus, qui ex te pro mundi redēptione carnem suscipere dignatus est, teque in supremo glorie solio tanquam nobilissimam inter omnes creaturas super chorus Angelorum exaltavit.

§. I I.

Officii parvi B. Virginis memorabilis institutio. Ejus origo antiquior, quam vulgaris putet. Deipare encomia, & ad eam salutatio.

1. **T**ame si Ecclesia primi temporis tum publicis, tum privatis opplicationibus Deiparæ auxilium quotidie flagitare, eamque erectis templis, festisque diebus ejus nomini attributis venerari consueverit; usus tamen recitandi preces ejus horarias non tantam videtur præ se ferre antiquitatem, sicut officium Defunctorum, de quo capite sequenti distremus. Enim verò si generales Ecclesiæ Synodos, quarum est cunctis fidelibus leges imponere, sedulè dispiciamus, hujus officii celebratio indicta est post mille, & amplius annos à Christi nativitate in Synodo Claramontana. Institutionis hujus occasio ex Ecclesiasticis Annalibus hac est. Anno Domini 1095. ^l Urbanus Secundus Romanus Pontifex ægræ ferens Christi incubacula, ejusque sepulchrum ab infidelibus Turcis omni genere contumeliarum affici, in generali Concilio apud Claramontem in Gallis celebrato bellum sacrum

in k Sedulius l. oper. paschal. l Baron. 1095. num. 50.

indixit, & divino spiritu percitus classicum potenter intonuit toto penè occidentali orbe pro fine Christi ad arma concurrente. Ut autem res difficillima, & haec tenus intentata optatum conqueretur effectum, optimum duxit sacrosanctæ Virginis precibus sibi Deum conciliare. In cuius rei gratiam rogata Patrum sententia sancit, ut ejusdem sanctissimæ Virginis officium jam à quibusdam Monachis frequentatum ab illis deducatur ad clericos, qui piè suscepimus onus singulis diebus persolventes Dei Matrem exorarent, quod ejus alpirante gratia fidelis populus in tantis discriminibus subeundis divino praesidio muniretur. Quod officium ea occasione institutum tanto deinceps studio propagatum fuit, ut ipsi etiam laici cum magno gratiarum fœnere illud soleant frequentare. Ex dictis error quorumdam convincitur, qui Urbanum Secundum primum harum precium faciunt auctorem, cum earum promotor, non institutor, quod natum & educatum in claustris Monachorum fuerat, in lucem gentium sapienter eduxerit. Tolerabilior aliquorum error videtur sacræ hujus institutionis originem ad Petrum Damiani referentium, qui paucis annis ante Synodum Claremontanam diem clausit extremum. Nam & hic clarissimus vir monasticorum rituum propugnator accerrimus est, qui in Annalibus Ecclesiasticis *m* virginem sy-naxim instituisse narratur. Id autem in suo quodam Cœnobio divinitus confirmatum idemque eleganter describit epistola *n* ad suos Eremitas Gamugnenses. Statutum, inquit, erat, atque jam per triennium ferè servatum, ut cum horis Canonicis quotidie B. Mariæ semper Virginis officia dicerentur. Erat autem inter eos Gozo habitu monachus, reprobre quidem vitæ, sed dicacis, & accuratae facundiæ. Hic ceepit conqueri satis superque sufficere quod sanctus præcipit Benedictus, nec novæ adinventionis pondus debere superponi, nec nos esse antiquis Patribus sanctiores, qui videlicet hæc superstitionis, & supervacanea judicantes psallendi nobis meram, omnemque vivendi regulam præfixerunt. Hac siue debere nos esse contentos, ne ab illa incavitius declinantes per anfractus, & invia ducamus errore. Quid plura? Contra Reginam mundi præliari vifus est; & confecit. Ad hoc nimis frater versuta machinatione pellexit, ut solitas B. Mariæ laudes ulterius non offertent. Sed & divinum judicium à nostræ pravitatis intuitu non

dormitans! Mox enim adversus præfatum Monasterium tot adversitatum grandines, tot undique bellorum, atque confictuum exortæ sunt tempestates, ut ipsis quotidie Monachis minaces gladii necis exitum intentarent. Quia ergo Matrem veræ pacis de suo Monasterio projecterunt, diguum est, ut inquietis calamitatibus, tribulationiunque procellis atque turbinibus agitantur. Quæ fratres illi vera probantes tandem ad cor redeunt, pavimento se humiliiter sternunt, ac perceptâ pœnitentiâ nuncquam se de cætero neglecturos solita Genitricis Dei pœconia unanimiter pollicantur. Mox itaque tanta serenitas redit, ut ex tunc usque hodie jucundæ pacis otio perfruantur. Qui ergo facile seniorum suorum statuta convellunt, ista considerent, & ne divini furoris super eos gladius veniat, non sine causa formideant.

2. Ex hoc exemplo, quod vir disertissimus pluribus verbis execvit, occasionem sumpsere nonnulli afferendi officium Deiparæ in venerabilis viri Monasterii incepisse. Sed ne illi hac in re primatum deferam, faciunt Scriptores vitæ ejus graves, & fide dignissimi Joannes Monachus *o* ejus discipulus, Joannes Antonius Flaminius Forocornelienfis *p*, Augustinus Fortunatus Camaldulensis *q*, & Hieronymus Rubeus *r*: Hi enim uniformiter afferunt officium D. Virginis à B. Petro non institutum, sed restitutum, ut, cuius desuetudo paullatim irrepserat, ipso procurante ad pristinam observantiam revocaretur. Et ne lectorem diutius protraham, in utraque Ecclesia Græca, & Latina horas S. Mariae institutas invenio trecentis, & amplius annis ante Damianum. Et è Græca quidem Episcopus Beluacensis *s* testem profert Joannem Presbyterum Damascenum, de quo sic scribit. Joannes Damascenus in amore Dei, ac gloriostæ matris ejus se exercens monachalem habitum assumpsit, virgoque permanens Reginæ Virginum horas quotidie studiosissime decantabat, factusque Presbyter in ejus honore Missas devotissime, ac frequentissime celebrabat. Porro vivebat Damascenus anno Domini 728. cuius officia de B. Virgine ritu Græco per totum annum extant M. SS. in Monasterio Cryptæ ferratae in agro Tusculano. E Latio autem testem

Eeeee 3 habeo

o Jan. Monach. c. 15. *p* Flamin. post med. *q* Fortunat. hist. Camald. lib. 5. *r* Rubeus hist. Rivenant. lib. 5. *s* Vincen. in Spec. hist. lib. 17. cap. 105.

habeo Petrum Diaconum Cassinensem r. Hic in regulam S. Benedicti insignem commentarium compositum, quod Romæ manuscriptum aſſervatur apud D. Constantimum Cajetanum: In hoc igitur libro verba faciens Petrus de Abbatis Cassinensis consecratione ait: Eo die Abbas nihil aliud niſi panem, & aquam comedat, & Canonica ſeptem horarum officia in commemoratione B. P. Benedicti nunquam dimittat, ſalvo ſcili- cet eo, quod in honorem sanctæ Dei Geni- tricis perſolvi conſuetudo eſt, quod etiam ge- neraliter ſub diſtriсto præcepto Cassinensi Con- gregationi Zacharias Papa obſerveare præcepit, conſtituens, ut totius anni tempore tam aſtatis, quam hiemis ante nocturnale, vel diurnale offi- cium mox ut frates in choro convenerint, inci- piant officium de S. Benedicto: & eo expleto inchoent officium, quod Regula præcipit, adju- necto etiam sanctæ Dei Genitricis, & Virginis Marie officio. Haec Petrus, qui & alibi eam- dem institutionem ad Gregorium Secundum re- fert. At verd Gregorius, teſte Baronio, Pon- tificatum inii anno ſalutis 715. cui poſt Grego- rium Tertium ſucceddit Zacharias. Antiquior igitur, quam vulgus hominum putet, hujus of- ficii uſus, & ordinatio eſt.

r. Pet. Diac. in Reg. S. Bened. cap. 64.

METRUM XXVI.

Virgo parentes, utcunque polo me cernis ab alto,
Audi pulſanteſ ſidera celſa preces.
Quod mea cumque ſonat fidibus teſtudo canoris
Lenior è ſummis excipe, Diva, choris.
Tu ſine labore nitens precibus ſera criminis mundi
Diluis. Et certum pandis ad aſtra viam.
Te due tutar atque rapidis dat carboſa ventis.
Jufſa cadit nutu rufa procella tuo.
Te ſine nec flores horiti, nec gramine valles
Nec fruges campi, grataque poma ferunt.
Te celebrait tardique ſenes, juvēneſque decori,
Et quibus invicto robore membra vident.
Te teneri cantant pueri, innuptaque puellæ,
Gratus per ſpicuſ virginitate choros.
Et tibi lacteoli, dulcissima turba, puelli
Truncatis recinunt carmina blaſa ſons.
Te cœlum, te terra colit, te pontus adorat,
Omnia te mundi vota, preceſque petunt.
Melicet horrenda circumſonet ira Males,
Demerſumque minax obruat unda caput.
Dum peligri rabies ſavit metuenda, per ipſas

Eripet nautem me tua dextra neces.
Sive pharos, ponique jubar, navis que vocari
Ambiguis nautis ſeu cynoſara cupis.
Si me mortiferò combatas Syrius aſtu,
Affles & ardens dirus ab axe calor.
Tu mihi tegmen eris, ſeu celsò in colle cuprefſas,
Seu cedrus dici, ſeu terebinthus amas.
Bellica ſe armato circumſtent agmina campo,
Si me mille enſes, ſpicula mille perant.
Tu mihi, tu Virgo, diecis eburnea turris,
Quam nequit exciſis rumpere flamma globis.
Si teſideribus noctu mea muſa ſugatis
Evocet, ut referas ore nitente diem,
Clavier aurora potis es tu ſola tenebras.
Discutere, & roſeā fronte aperire diem.
O tandem titulo gaudes quoquinque vocari,
Huc ades, huic felix ad traſacra veni.
Mille ribi ſpirant teneri ſpiritia cordis,
Mille calent a ræ pectora mille gemunt.
Quaque patet tellus liquido circumflua ponto,
Mille tibi laudes, carmina mille ſonant.
Scilicet horribili ſcelerum ſub nocte ſepulcris
Turritam præfers per vada cœcafacem.
Celsaque cœlorum reſeras penetralia genti.
Qua propre tartareis merſa peribat aquis.

3. Si ergo fratres mei, inquit Radulphus Ardens *u*, malignus ſpiritus nos infestat, ſi ca- ro nos tentat, ſi mundus nos oppugnat, ad Ma- riā respiciamus, ad Mariam confugiamus, ad Mariam conclamemus. Ipsiſtā eſt noſtrā singulariſ apud Deum advocate, adjutrix Christi in huma- ni generiſ redēptione, *a* apex gaudiī noſtri, *b* dulcedo credentiū animarū, *c* ſpēs & ancho- ra Christianorū. *d* Ipsiſtā eſt arca ſanctificationis, que manna celeſte portavit; *e* capacitas illum- capiens, quem nulla res capit; *f* ſceleum ejus, qui fecit cœlum; *g* receptaculum Divinitatis. *h* Ipsiſtā eſt fons lucis omnem hominum illuminatiſ; *i* ortus ſolis, qui nullum ferre potest occa- ſum, puteus aquæ ſemper viventis; *j* Bonum & lœtitia generiſ humani, *k* Fons incorruptionis, fons misericordiæ, janua poenitentiae; *l* fons ſignatus ſigillo totius Trinitatis, interemprix uni-

u Radulph. ſerm. in Annunt. *a* Richard. à S. Laur. lib. 2. *b* Jo. Geom. hymn. 3. *c* Richard. lib. 4. *d* Emman. Mabaxus. 2. *e* Iacob. gracie. *f* Georg. Nicomed. orat. de oblat. Deip. *g* Amphilech. or. in Deip. *h* Sergius Hieropol. orat. in Nat. Deip. *i* Chryſipp. orat. de Deip. *k* Apollinar. in fin. Traged. Christi patientis. *l* Theofrict. in canon. concilia- torio.

universæ hæreticæ pravitatis. *m* Ipsa est navis
institoris de longè portans panem suum; *x* ma-
ter clementiæ, & pietatis; *r* flos de spinis spinâ
carens; *p* solatium eorum, qui affliguntur, ultio
eorum qui vexantur; amictus eorum qui sunt nu-
di, qua semper suis ulnis fovet Christianos.
q Ipsa est fidelium fax, nutrix omnia nutrientis,
omnia continentis comprehensio; *r* Rubus ar-
dens, qui non exuritur, revocatio Adæ, Evæ re-
demptio; *f* castitatis speculum, sigillum virgini-
tatis; *t* tabernaculum non manufactum, id est
non hujus creationis; *u* per quam omnia ad uni-
tatem, & perfectam charitatem sunt redacta. *x* Ip-
sa est clypeus pugnantium contra invisibiles &
visibiles hostes; cuius ope Christianos Principes de
barbaris nationibus sèpè triumphasse refert Spin-
nellous diffusè y ex antiquis Historicis, Niceta,
Cedreno, Procopio, Nicephoro Gregora, Joanne
Europalata, Theophane, Zonara, Vincentio
Beluacensi, & aliis recentioribus. Narrant, &
alii & venerandam imaginem in clypeis olim pi-
ctam ad bellatorum præsidium: cuius item aspe-
ctu sanari morbos, fugari dæmones, omnem au-
ferri tribulationem quotidiana constat expe-
riencia.

4. Esto igitur protectrix nostra, Beatissima
Virgo, & audi preces servorum tuorum ad te clau-
mantium die ac nocte. Deprecare unicum Filium
tuum pro excessibus multorum filiorum, ut per
te nos suscipiat, qui per te datus est nobis. Ex-
cusas apud ipsum integras tua culpam nostræ
corruptionis, & humilitas Deo grata nostræ
veniam impetrat vanitati. Copiosa charitas tua
nostrorum cooperiat multitudinem peccatorum,
& fecunditas gloriofa fecunditatem nobis con-
ferat meritorum. Domina nostra, mediatrix no-
stra, Advocata nostra, tuo Filio nos commen-
da, tuo Filio nos repræsenta. Ecce procido co-
ram te, ô benedicta, inventrix gratiæ, mater

salutis, procido, & humilior coram te, ut obti-
nes dcleri facta peccati mei, ut jubeas misericordi-
me ab iniuritate operis mei, ut facias me dilige-
re gloriam virtutis tuæ, ut reveles mihi multi-
tudinem dulcedinis Filii tui: ut des mihi lo-
qui & defendere fidei sinceritatem Filii tui: con-
cedas etiam mihi adhærere Deo, tibi; servire
Filio tuo, & tibi; Illi sicut factori meo, tibi
sicut ancillæ Domini omnium. Illi sicut Domi-
no virtutum, tibi sicut ancillæ Domini omnium.
Illi sicut Deo, tibi sicut Matri Dei. Attende, &
fac per gratiam quam invenisti, per prærogativam
quam meruisti, & ne deferas sperantem in te. Ad
te confugio singulare solatum cordis mei, ut te
intercedente Iesu Christus Redemptor meus
participem me faciat gloriæ suæ, qui te median-
te factus es particeps humanae misericordie & infir-
mitatis.

S. III.

*Ritus officii explicatur. Ordo Cisterciensis
specialiter Deiparae dicatus est. Exhorta-
tio ad implorandum in omnibus Marie
nomen, & auxilium.*

I. **N**officii parvi B. Virginis recitatione idem
ferè ritus observatur, quo solet majus of-
ficium recitari. Nam & septem Canonis hor-
ris constat, & eodem Psalmorum, Antiphona-
rum, ac orationum numero expletur. Sola dif-
fert nocturna synaxis, quæ tres dumtaxat Psal-
mos habet, totidemque Lectiones. Psalmi no-
cturni riu Romano novem sunt, qui ter in
hebdomada mutantur, ut notum est. Aliæ
quædam Ecclesiæ eosdem semper recitant, quos
Romani die Dominicæ psallunt. Per horas dici
Psalmi Graduales distribuuntur. Monachi ve-
rò quibus diebus psalmos graduales juxta regu-
lam S. Benedicti ad horas officii majoris di-
cunt, in officio parvo ea capitula psalmi: 18.
illis substituunt, quæ à Romanis ad Tertiam,
Sextam, & Nonam semper cantantur. Hujus
ritus meminit Radulphus Tongrensis libro de
Canonum observantia. Nescio quâ ratione
hanc psalmorum distributionem mutarint, quí
Breviarium Monasticum sub Paulo V. compili-
arunt, in utroque officio eosdem psalmos gra-
duales repetentes. Sanè Cistercienses, & Car-
thusiani antiquum morem retinuerunt. In his
Ordinibus laus virginalis officio majori semper
præponi-

m Sophron. homil. de assumpt. n Idota par. 14.
cap. 39. *o* Goffrid. Vindoc. serm. 8. p Adam de
S. Vict. in prola de Assumpr. *q* Eustochian. de
penitent. Thesphili & Method. or. in Hypasp.
f Theophan. hymn. de Annuntiat. *t* Alanus in
cap. 5. Cantic. u Dionysius Alexand. epistol. con-
tra P. Samosat. x Epiphani. Confir. epist. ad
Hormisdam. y Spinell. in Append. lib. de Deip.
tract. 2. z Will. Malesb. lib. 1. hist. Angl. &
Jac. Philipp. Bergomas in suppl. Chron. lib. 9. Am-
brosi. Ausbert. hom. de Purific. Beru. serm. 2. Ad-
vent. Hildebens. lib. de virginitate Mariae
cap. 12.

præponitur, excepto Completorio, quod postponi solet. Id verò Cartusiensibus divinitus revelatum fuisse narrat in Chronico vir probatae fidei Petrus Dorlandus ^b: A Romanis autem semper officio majori postponitur, excepto Matutino & Vespere. Hoc officium, inquit Radulphus, intermititur aliquando propter temporis incongruentiam, ut in hebdomada Paschali, & triduo præcedenti: aliquando ne bis dici videatur, ut quando servitium principale sit de Virgine gloriose: itemque in quibusdam majoribus solemnitatibus. Sed Cistercientes nunquam illud omittunt, nullaque dies est quantumvis solemnis, qua se eximant à laudibus B. Virginis tūm publicè, tūm privatim persolvendis: quæ consuetudo longissimi temporis præscriptione firmata ad hoc penum quotidianum sub graviori culpa nostros obligare certissimum est, quicquid aliquis majoris ingenii, quam pietatis Auctor in contrarium scribere ausus sit.

2. Infinita sunt Ordini Cisterciensi à clementissima Regina collata beneficia, que nunquam poterunt ejus alumni digna prosequi gratiarum actione, quantumvis studeant multiplicatas obsequias congruum illi exhibere famulatum. Ipsa Robertum ^c sanctissimum Abbatem Ordinis institutorem aureo sibi annulo desponsavit, hāc amoris exhibitione declarans se Matrem futuram Monachorum. Ipsa Beatis viris Alberico, & Stephano Roberti successoribus albi coloris cuculam tradidit, habitusque formam præscriptis, ut docet in Annalibus Cisterciensibus Angelus Manriquez ^d. Ipsa mellifluum Bernardum Ordinis propagatorem virginis latavit uberibus. Ipsa Monachorum detractores gravi censurā compescuit, loca Ordinis molestantes acerbissimè castigavit, & Ordinis Advocatam professa est, vocavitque Monachos optimos amicos suos; illis psallentibus, laborantibus, iter agentibus, ægrotantibus, periclitantibus, morientibus astitit, apparuit, ministravit. Magni voluminis opus fore singula recensere, que in Annalibus ^e fusius descripta reperiuntur. Ubi sunt igitur, si qui tamen sunt, filii Belial nescientes que sunt spiritus Dei, qui dicunt, Regina cœli non regnabit super nos? qui videlicet malo spiritu inflati nullo nos præcepto adstringi afferunt ad Virgineas laudes quotidie recitandas. Date viros, ut auditis tot Deiparae erga nos benefi-

ciis ad meliorem frugem convertantur. Ordo noster, ut Gregorius X. Romanus Pontifex ait in quodam Privilegio ^f; inter cæteras religiones singularitate devotionis gloriose Virginis ex primaria institutione adscriptus iuit. Omnes Ecclesiae nostræ in honorem ejusdem Virginis consecratae sunt, idque ab initio statutum fuisse tum ex Cæsario ^g, tum ex antiquis diffinitionibus constat. In quibus Ecclesiis, ne ipsi Virginis debitus cultus desinet, Patres nostri doctrina & sanctitate conspicui decreverunt præter quotidianum officium, de quo sermo est, in singulis etiam horis majoris officii B. Mariae commemorationem fieri; singulisque diebus faciun in ejus honorem à Sacerdote ad id specialiter deputato celebrari. Non est autem omittendum hoc loco, quod narrat Cæsarius in fine libri septimi dialogorum. Monachus quidam Ordinis nostri Dominici nolitram plurimum diligens, ante paucos annos mente excedens ad contemplationem gloriae celestis deductus est; ubi cum diversos Ecclesias triumphantis Ordines videret, de suo Ordine sollicitus, cum staret & circumspiceret, nec aliquam de illo personam in illa gloria reperiret, ad beatam Dei Genitricem cum gemitu respiciens ait: Quid est, sanctissima Domina, quod de Ordine Cisterciensi neminem hic video? Quare famuli tui, tibi tam devotè servientes, à consortio tantæ beatitudinis excluduntur! Videns eum turbatum Regina cœli respondit: Ita mihi dilecti, ac familiares sunt hi, qui de Ordine Cisterciensi sunt, ut eos etiam sub ulnis meis foveam. Aperiensque pallium suum, quo amicta videbatur, quod miræ erat latitudinis, innumerabilem multitudinem Monachorum, Converorum, & Sanctimonialium illi ostendit: qui nimis exultans & gratias referens ad corpus reddit, & quid viderit, quidve audierit Abbati suo narravit. Haec Cæsarius. Scio quidem haud diffimilia de aliis quibusdam religiosis Ordinibus narrari; sed ut integrum cuique maneat suum decus, Ordo certè Cisterciensis de singulare Dominae nostræ protectione potest non insipiente gloriori.

3. Diutius morarer in hoc argomento, si possem cum Damasceno Augustissimæ Virginis ejusque dignitatibus novos hymnos promittere: aut saltem auderem cum Ephrem orare, & dicere, Dignare me laudare tē Virgo sacrata; sed videns paupertatem meam, & memor imbecillitatis

^b Dorland. lib. 4. cap. 1. ^c Ortho Molismeni in vita Roberti. d Ann. 1103. cap. 1. ^e G 2. ^f Cesar. lib. 7. cap. 6. 7. 42.

^g Privileg. 43. ^m Cesar. lib. 1. cap. 1.

mæse, ejus præconia quibus impar omnino sum tacitus præteribo, non audens præ confusione, & conscientia lordinum meorum os aperire. Nomen autem ejus sanctum & venerabile cum tremore invocabo, ut propitia mihi sit Mater misericordiae, & reficiat langentem animam meam. Audito hoc nomine ad spem peccator erigitur, reficitur mens justi; ridet terra, gaudet cœlum, lætantur Angeli, Dæmones contremiscunt. Sunt qui quotidie hoc nomen venerantur recitatis quinque psalmis quorum literæ initiales Mariæ nomen efficiunt, præmissa singulis Angelicâ salutatione. Psalmi sunt isti; *Magnificat*, *Ad Dominum cum tribularer*, *Retribue servo tuo*, *In convertendo*, *Ad te levavi oculos meos*. Insigne de hac re miraculum ex Beluacensi, & Cantipratano refert Spinellus in fine capituli quarti. Optime Franco Abbas h. Post singulare nomen Iesu Christi, quod est super omne nomen, nullum aliud nominatur, unde tantum gratiæ, tantum spei, tantum suavitatis, tantum consolationis piaæ mentes concipient. Quotiescumque enim dulcissimum nomen MARIA amatores illius audiunt, toties ex pio auditu, & suavitate auditu nominis nescio quid inenarrabilis jucunditas intus trahunt. Nomen namque Mariæ mirum quid suave, ac divinum in se continet, ut cum sonuerit amicis cordibus amicis suavitatis odorem spiret. Et mirum illud est de nomine Mariæ, & valde mirum, ut millies auditum semper audiatur quasi novum. Concludo hâc dulcissimâ Parænæ devotissimi Patis Bernardi; Totis medullis cordium, tois præcordiorum affectibus, & votis omnibus Mariam veneremur, quia sic est voluntas ejus, qui totum nos habere voluit per Mariam. Ad Patrem verebaris accedere, solo auditu territus ad folia fugiebas. Jefum dedit tibi mediostorem. Sed forsitan & in ipso majestatem vereare divinam, quod licet factus sit homo, manxit tamen Deus. Advocatum habere vis & ad ipsum! Ad Mariam recurre. Exaudiens utique matrem filius, & exaudiens filium Pater. Hæc peccatorum scala, hæc mea maxima fiducia est, hæc tota ratio spei meæ. Quid ad Mariam accedere trepidet humana fragilitas? Nihil austерum in ea, nihil terrible, tota suavis est, plena pietatis & gratiæ, plena mansuetudinis, & misericordiae. Ideoque modicum istud, quod offerre desideras, gratissimis illis, & omni acceptione dignissimis Mariæ manibus offerendum tradere h. *Franco in serm. 6. de gratia Dei. i. Bernard. serm. in Nativit. B. Maria. serm. super signum magnum. serm. 2. sup. Missus est. & serm. 4. de Assump.*

cura, si non vis sustinere repulsam. In periculis, in angustiis, in rebus dubiis Mariam cogita, Mariam invoca. Non recedat ab ore, non recedat à corde: & ut impetres ejus orationis suffragium, non deserfas conversationis exemplum. Ipsam sequens non devias, ipsam rogans non desperas, ipsam cogitans non erras. Ipsa tenente non corrui, ipsa protegente non metuis, ipsa duce non fatigaris. Sileat misericordiam tuam. Virgo beata, si quis est, qui te invocatam in necessitatibus suis sibi meminerit defuisse. Nos quidem servi tui cæteris in virtutibus congaudemus tibi, sed in hac potius nobis ipsis. Laudamus virginitatem, humiliatem miramur, sed misericordia miseri sapit dulcissimus, misericordiam amplectimur charius, recordamur saepius, cerebrius invocamus. Hæc est enim, quæ totius mundi reparationem obtinuit, salutem omnium impetravit. Ad hunc fontem sitibunda properat anima nostra. Ad hunc misericordia cumulum totâ sollicitudine miseria nostra recurrat. Sit pietatis tuae ipsam, quam apud Deum gratiam inventisti, notam facere mundo, reis veniam, periclitantibus adjutorium, & liberationem tuis sanctis precibus obtinendo. Plena es gratiarum, plena rore coelesti. Ciba hodie pauperes tuos, Domina, ipsis quoque catelli de micis edant, sed & camælis potum tribue de supereffluenti hydriæ tua, ut omnibus, qui dulcissimum nomen tuum cum laude invocant, per te, Regina clementiæ, gratiæ suæ munera Jesus Christus Filius tuus Dominus noster misericorditer largiatur.

CAPUT XIII.

De Officio Defunctorum.

§. I.

Cur oremus pro defunctis. Quædam de Purgatorio. Que peccata, in eo puniantur. Voces purgantium animarum.

1. **N**on sine causa mater Ecclesia spiritum habens sponsi, & Dei sui post solemnem officiæ Divini recitationem specialem pro defunctis cursum instituit. Omnes enim filios pari complectens amore postquam Dei Optimi Maxima erga viventes beneficia debitissimæ gratiarum actionibus diu, noctuque celebravit, misericordes oculos ad eos convertens, qui nos præcesserunt cum signo fidei, & dormiunt in somno pacis, eorum etiam spiritus aeterno

F f f f